



Bájkkeavijssa NuorttaSálto

Ádå dahkamusá gájbbedi ádå tjoavddusijt

Tæksta: Børge Strandskog
Járggálibme: Divte Media AS

Stuorámus oasse jages 2012 sjaddá mannat álggo-prosjæktaj, jage 2013 álgo máhtá Divtasvuona suohkan formálalattjat mierredit ásadimev ja tsieggimav – ja jaget mañhela, jagen 2014, máhtá ihkap ádå Guovllo-medisijnalasj guovdásj sáme giella- ja kultuvrra-máhtudagájn gárves tjuodtjot Ájluovtan.

Návti gætjárdallá Fred Andersen vejulasj ávdánimplánav dan giehtos varresvuoda- ja sosiálguovdátjij Ájluovtan. Ávdap suohkandákkudiddje Stájgon, dálla rádevadde Árranin, le bákkiduvvam direktoráhtas ja suohkanijs dagátjit báddásasj plánav dákkir guovdátjij Divtasvuona ja Guovddagæjno suohkanijn. Divtasvuodna le áhtsám departementas 1,8 mill ávdáprosjæktaj. Áhtsámájggemierre lij bárggemáno 1. bieje ja suohkan vásstádusáv vuorddá oanegis ájge duogen.

Le álu nammadum Avtastallamádstus mij dahká vaj suohkana jahkemálsoma rájes duoddiduvvi stuorra, ájnas ja ádå dahkamusá varresvuodasuorgen. Sierraláhkáj gá vuorrasijláhko boahhteájggáj lassán de lip vierttim juojddáv dahkat binnedittjat noadev skihppijviesojn. Avtastallamádstus sirddá dan diehti moadda dájma skihppijviesojs suohkanijda. Ja suohkana e máhte dassta bessat. Jus e dahkamusájt tjoavde de hæhttuji mákset. - Dát vaddá suohkanijda ádå hásstalusájt, ja siján le ráhtto, tsuojggi Fred Andersen. Suohkana galggi hiebadit dálkudibmáj ”unnep” skihpudagájt vaj skihppijviessuj e dárba rárdjat. Ja galggá liehket máhttelisvuohtha pasientajt árabut skihppijviesojs ruoptus vállidet. Avtastallamádstus rávkká dan diehti nanos bájkálasj dájmajt. - Állásit dálkudit ja oatsodibme gájbbet suohkana vierttiji máhtudagáv lápptit. Dálkudiddje vierttiji máhtudagáv lápptit, ja fysioterapija, ergoterapija ja skihppijsujttárdievnno vierttiji nannusappo vuoroduvvat, tjelggi Andersen. Sån vuoset átsádallamijda Steigentunan, gánná sån miejnni



Guovllomedisijnalasj guovdásj Ájluovtan le aj válggaássjen sjaddam. Aktisasjilista Rievtesbelludagá, Gårobelludagá, Ráb ja iesjrádálattja, ávdet dáv ájnas ássjen. Dán listan tjuodtjota Fred Andersen ja Pernille Krogh Storøy. Nubbenkandidáhtta Storøy, guhti le ássudakskihppijsujttár Ájluovtan/Másken, dehttot Avtastallamádstus Divtasvuodnaj stuorra hásstalusájt vaddá.

- Ávdáljguovlluj sjaddá Guovllomedisijnalasj guovdásj Ájluoktaj positivalattjat vájkkudit álles varresvuoda- ja hüksodoajmmaj Divtasvuonan, javllá Storøy – guhti aj jáhkká guovdásj máhtá hiebadattet suohkangasskasasj aktisasj bargguj, duola dagu mij guosská sijddaskihppijsujttárijt.

Det distriktsmedisinske senteret på Drag er også blitt valgkampsak. Fellelista Høyre, Venstre, KrF og Uavhengige har dette som en av sine fanesaker. På denne lista står både Fred Andersen og Pernille Krogh Storøy. Andre kandidat Storøy, som er avdelingssykepleier for Drag/Musken, understreker at Samhandlingsreformen vil gi Tysfjord store utfordringer.

-På sikt vil et Distriktsmedisinsk senter på Drag ha store positive ringvirkninger for hele helse- og omsorgstjenesten i Tysfjord, sier Storøy – som også tror senteret vil legge til rette for utvidet interkommunalt samarbeid, blant annet når det gjelder hjemmesykepleie.

bájkálasj oatsodibme le juo sæsstám millijávnájt sebrudahkaj.

Dát mávtugis prosjæktá Divtasvuonan doarjoduvvá állásit Helse Nordas. Dási duoddi aj dat duohtavuohtha dákkir guovdásj Ájluovtan sjaddá ájanna guovdásj dárbulasj julevsáme giella- ja kultuvrramáhtudagájn.

- Helse Nord le biejaduvvam hiebadittjat buorre varresvuodadievnov sáme álmugij. Prosjevta tjadá vuojnnep dát barggo máhtá várjadaváldeduvvat, javllá Andersen.

Helse Nord miejnni máhtudaklápptim suohkanijn ja buorre aktisasj barggo skihppijviesoj ja suohkanij gaskan sjaddá vaddet riek buorre fálddagáv suohkanijn ja binnedit dárbov skihppijviessuj rárdjat. Avtastallamádstus ij galla galga dahkat vaj ulmutja gænna le dárbov

skihppijviessoviehkes e galga dav oadtjot.

- Ájnnasamos dán dásen le aktisasj bargov suohkanij ja skihppijviesoj gaskan nannidit fálgasj dásen, vaj oahppi nubbe nupes ja ásadi buorre vuogev mij bisot buorre fálddagáv ja sæmme vuorodimev, tjállá Helse Nord-direktørra, Lars Vorland.

Plánidum guovdásj Ájluovtan sjaddá oadtjot moadda dájma; dáktárkontávrrá, skihppijsijdda, varresvuodastásjávnná, suoddjidum oasse pasientajda demensajn ja oasse linedim dálkudibmáj. Vijddábut usjudalli sierrahuksodievnov psykiatrijan álles Nuortta-Sálltjaj, duola dagu sierra kontávrrá SANKSaj (Samisk nasjonalt kompetansesenter – psykisk helsevern). Plániduvvá aj sierra ássudahka viddnudakvarresvuodadievnnuj ja HMS-viehke æládusiellemij guovlon. Guovdátjin galggá aj

liehket fálddagá guovlloáhpádimen ja bagádallamij varresvuodabarggijda ja sáme giella- ja kultuvrramáhtudagán sierraláhkáj. Plániduvvi aj hárrjájnim-barggosaje skihppijsujttárstudentajda ja studentajda gudi sihti ja dárba sáme máhtudagáv, duodden aj dutkam ja ávdánahttem aktisasj barguajn rijkaguovlo guokta universitehtajn ja SANKS:ajn. - Dákkir ásadimijn máhtti agev tjuovvot duoddevájjkudusá ja navti aj ádå dahkamusá, miejnni Andersen, gen mielas suohkana Nuortta-Sálton li ilá unnagattja vaj divna galggi oadtjot divna dájmajt.

- Muhtema vierttiji guovlojda biejaduvvat, ja sjaddi diedon Ájluoktaj ásaduvvat jus guovllomedisijnalasj guovdásj dasi tsieggiduvvá, miejnni Fred Andersen.